



ARAKHAVEN PESKERE ČHAVEN PREKAL O PHARO NASVAĽIBEN COVID-19

O OČKIŇIBEN - BARAREL E IMUNITA, SASŤIPEN ANGLE KORONA KO TUMARE ČHAVE:

- arakhavel le čhavores perdal e korona the perdal lakere nalačhibena,
- arakhavel the le manušen ke tumende khere the le manušen so hin pašes ke tumende (sar hin o phure abo o nasvale manuša),
- šigitinel ko čačuno dživipen - sar hin phundrade školi / sikhade, te phirel pro hriskos, ko jekhetano bavišagos, the aver.

SAR

Očkinen pes o čhave le 12 / dešuduj beršendar, ča la vakcinaha - le drabeha Pfizer, duvar (dujtovar pal o 3 / trin kurke).

POZORIS! Pro očkiňiben musaj te avel o čhavore la daha the ledadeha.

O KERIBENA SAR PES TE PRIHLAŠINEL

1. Pro očkiňiben le čhavores šaj prihlašinen tumen korkore abo o socijalno abo komunitno buťakero manuš prekal o internetos, kaj tumenge dena o than the o vachtos pro očkiňiben (<https://vakcinacia.nczisk.sk/registracia>).
2. Šaj chasňaren the o komunitno očkiňiben - andro tumaro gav avena o sastarde, save očkinen savoren so kamen, te pes ko tumaro gav kerel ada očkiňiben.
3. Le 1. julostar imar pes del te očkinel the andro ambulanciji ko varesave čhavorikane doktora.
4. Sar pes te prihlašinel the savore informaciji so kempel tumenge šigitinena tumare socijalna buťakere manuša abo komunitna buťakere manuša - mangel les kaj tumenge te šigitinel / pomožinel.

SO PES ŠAJ KEREL LE ČHAVENCA PAL O OČKIŇIBEN

O čhave pal o očkiňiben šaj šunen: dukha ko than kaj lenge demade e injekcija, sovlarde šaj hin, dukha-do šero, dukha ko svali the kokala / klubi, cikne lazi / horučki. Kala sikavibena namusaj te avel. No te hena, hena ča charnes u hine buter pal o dujto davka. O čhavore len preľidžan lačhes u pal vaj keci dživesa našlon.

KANA LE ČHAVOREN NAOČKINEL

Te hin tumare čhavore nasvale, užaren le očkiňibnaha dži akor, kana hena saste. Le čhavores naočkinen the akor, te les sas imar varekana bari alergija pre aver vakcina.

